



Šo projektu finansē Eiropas Savienība  
This project is funded by the  
European Union

## Troks ci nu Rogovkys voi lobs ar lobu sazatyka

Sevkuram ir sovys gaitys iz zemes. Sovs idūtīs laika vektors – deigšonai, augšānai, pumpuruošonai, zīdiešonai, brīdumam un siermumam. Skriejīnam un gausumam. Dūšonai i jimšonai. Kluotbyušonā i atguoduojumūs. Sevkura sirds stuņdinīks dzeivis dīnvydā ir apjemeibys pylns atstuoat pādys, īstuodeit ūzulu ci līpu, izcelt muoji, izaudzynuot dālu. Adventa laikā J.Soikana Ludzys muokslys škola aicynoj pīminēt, atguoduot par dzejnīku, muokslinīku, kuļturys darbinīku Ontonu Kūkuoju, kas 2014.godā 23.decembrī svineitu sovys dzimšonys dīnys 74. goda dīnu. Radūšīs, kolorītīs, “trokīs” rogovkīts 7 godus kai myužebā, tok juo īsuoktī dorbi rūd spēku byušonā. Ceļš iz dzymtū sātu Rudukūs gluds i ībraukts. Nūdybynuotuo muokslys škola Ludzā mainuos, palykdama uzticeiga pamotūs ilyktuom vierteibom – Latgalis kultura, ģīmeniskums i muokslys dzīdynūšīs spēks mīsai, goram, dvieselei, individam i sabīdreibai kūpumā. Latgalis sātu pavordūs kiup sylta guņš Ontona dāla myurātojūs cepļūs. “O blakys” īsuoktūs trikmīņus ritmā izsyt unuks. Pūdņiku saime grīž i lypynoj pūdus. Ailinīki (dzejnīki) turpynoj salikt vuordus ritmiskuos vīneibuos, lai pastuosteitu par jītu pasauli. Zynuotnīki, studentī, unučka pīetej Ontona literarū un muokslinīciskū devumu Latvejis kulturys kontekstā. Īspiejams, ka paīs kaida seikšalteņa pyrms laseituoju īraudzeis Ontona Kūkouja latgalīšu dzejis izlase i napabeigtuo gruomota “Ķīvītāns”, tok kaida ES projekta rezultats tiuļeņ byus taustoms i lītojams kai školuos, tai vīnkuorši sātā. Tei jir kruosojomuo gruomateņa par Ontonu Kūkoju i muokslinīku nu Boltkrīvejis Jazepu Drozdoviču.



grāmata skatāma no abām pusēm

Taipoš ir sagataveits metodiskīs materials deveņom nūdarbeibom, kas, likūt pošā videnī vīna cylvāka dzeivis nūtykumus, stuosta par kuļturys tradicejom, amatnīceibu, viesturiskīm nūtykumim Latgolā i muokslys lykumim. Vysam sovys laiks, i sova vīta. Skriejīnam un gausumam. Dūšonai i jimšonai. Kluotbyušonā i atguoduojumūs. Pīmynūt, puorskaitūt, puortiemejūt atstuoatūs nūspīdumus – Ontona Kūkouja dzejis i prozu, gļeznys i kinys Adventa garijūs i sveču gaismys pīpīdīetijūs vokorūs.

*Latvijas – Lietuvas – Baltkrievijas pārrobežu sadarbības programma Eiropas kaimiņattiecību un partnerības instrumenta ietvaros projekts „Izglītības apstākļu uzlabošana mākslas mantojuma saglabāšanai Latvijā un Baltkrievijā pārrobežu sadarbības ietvaros” (Virtuālā realitāte” Nr.LLB-2-244)*

Ludzys mokslys školys direktore  
Sandra Vorkale